




Morutabana Tshezi le phaposi ya gagwe ba bua ka leroborobo la *Covid-19*.

A re, "Ke batla go utlwa ka ga nako ya lona ya kwa gae. A lotlhe le kgonne go dira kwa gae fa dikolo di tswetswe?



Dudu a araba wa ntlha, "Go ithutela kwa gae go ne go le thata, ka gore batsadi ba me ba a dira, nna ke ne ke tlogelwa kwa gae ke le esi."

"Ke ne gape ke itirela tirogae," ga bua Msizi.



A tswelela, "Ke ne ke se na yo o nthusang, go se yo o ka ntlhalosetsang dipotso le ditaelo."

Barutwana botlhe ba a dumela.

"Go ne go le thata go tsena mo mafaratlhatlheng ka ntlha ya tlhalelo ya matlole," ga bua Dudu.

Baithuti ba a dumela gape.





Ayanda a re, “Kwa ke nnang teng go ne go le modumo go ka ithuta.”

“Ke ne ke itumetse thata fa re ne re bolelelwa gore re ka boela sekolong,” ga bua Faiza.

“Botlhe ba ne ba itumetse!” Msizi a tshega.





“Ke ne ke sa batle gore dikolo di bulwe gape,” Ayanda a ngunanguna.

“Fa re boela sekolong, ke ne ke solofetse gore tsotlhe di tla nna ka moo di neng di le ka teng pele. Fela dilo tsotlhe di ne di fetogile!” Amahle a tswela.



“Re diragatsa mokgwa wa katogano ya batho, re apara dimmaseke, le go dirisa sebolayaditwatsi sa diatla,” Isaac a ngongorega.

“Barutabana ba re botsa ka metlha, a o a gotlholo, a mometso wa gago o botlhoko?” ga bua Ayanda.



Kagiso a forogotlha diatla tsa gagwe mme a re, "Nako le nako fa o araba sengwe mo botong o newa sebolayaditwatsi sa diatla."

"Re tshwanetse go tshola lebotlolonyana le le nang le sebolayaditwatsi mo go rona," a kgwa mowa.





“Kwa sekolong ka nako ya go ikhutsa, ga go tshwane le pele fa re ne re nna le go tshameka mmogo,” ga bua Msizi.

Ayanda a re, “Go thata thata ka gore re ne re tlwaetse go tshameka mmogo le ditsala tsa rona.”



Amahle a re, "Rona re le bana, re rata ditsala le go nna  
gaufi le ditsala tsa rona."

"Fela jaanong, ga re kgone go tshameka le ditsala tsa rona,"  
ga bua Dudu.

"Jaanong, re tshwanetse go katogana," ga bua Isaac.



Morutabana Tshezi a re, “Go na le diphetogo tse dintsi mme re mmogo”

“Le fa re sa kgone go tshameka mmogo gone jaanong, re ka nna ra buisana ka menagano le maikutlo a rona ka metlha,” a tlatsa.





## —Dipotso

1. Le ne le ikutlwa jang ka go nna kwa gae ka nako ya paka ya thibelonakwana ya go se tswele kwa ntle? Tlhalosa.
2. Batla malatodi a mafoko a a latelang mo temaneng: didimetse, tlhoname, dikarabo, bonolo.
3. Batla makaelagongwe a mafoko a a latelang mo temaneng: turu, baithuti, boitumelo, balekane.
4. *Covid-19* e amile lefatshe jang? Tlhalosa.
5. Tlhalosa pharologano fa gare ga leroborobo le bolwetse jo bo tshwarang batho ba lefelo le le rileng.
6. Ke dikakanyo dife tse o di ananyang barutwanammogo ba mo phaposing ya gago?



---

Bukakanelo e ikaegile mo dipegelong tsa RX Radio.  
RX Radio ke seteišene sa radio ya bana ya  
inthanete, e dirilwe ke bana e bile e diretswe bana.

RX Radio e gasa go tswa mo Red Cross War  
Memorial Children's Hospital kwa Motse Kapa.

RX Radio e thusa bana go bua dikgang tsa matsapa  
a botlhokwa go bona.

[Etela RX Radio](#)